

Aanaar kieldâst almottuvvojeh uuccâmnáál čuávuvááh virgeh já tooimah:

Tuáistáázân 1.8.2025 ráájjist:

1. Luokamáttáatteijee (máttáatteijee virge nr 0075). Soijimsaje virgekoskâvuodâ älgidijn lii Avveel škovlá. Virgeest lii kuudâ mánuppaje keččâlemäigi.
2. Amnâsmáttáatteijee (máttáatteijee virge nr 0157), máttáattâsamnâsin tavesämikielâ já kirjálâšvuotâ. Soijimsaje virgekoskâvuodâ älgidijn lii Avveel luvâttâh, máttáattâs meid Avveel škovlâst. Virgeest lii kuudâ mánuppaje keččâlemäigi.

Meriááigán

Ááigán 1.8.2025-31.7.2026.

1. Tijmemáttáatteijee, tavesämikielâlâš amnâsmáttáattâs, máttáattâsamnâsin tavesämikielâ já kirjálâšvuotâ, tavesämikielâ A2-oppâmeeri já historjá. Máttáattemnáál pyehtih lede meid vuáđumáttáattâs eres oppâamnâseh , tego S2-máttáattâs. Soijimsaje lii Avveel škovlá. Virgeest lii neelji mánuppaje keččâlemäigi.

Ááigán 1.8.2025-31.7.2026.

1. Luokamáttáatteijee (máttáatteijee virge nr 0023), soijimsaie lii Avveel škovlá. Virgeest lii kyevti mánuppaje keččâlemäigi.

Uddâsist uuccâmnáál ááigán 7.8. - 20.12.2025:

1. Luokamáttáatteijee sajasâšvuotâ, máttáattâskiellân tavesämikielâ, soijimsaje lii Aanaar škovlá. Hiättun annoo uápásmem ohtsâšluokkamáttáattâsân. Máttáattem puáhtá lede meid paješkoovlâst. Huám! Kalga uuccâđ majemustáá 13.6. rái.

Tohálâšvuotâvátámâšah láá asáttâs (986/1998) miäldásiih.

Pälkki miärášuvá máttáattâspargovievâ kieldâlii virge- já pargoiähtusopâmuš miel. Aanaar kieldâ máksá fastâ virgehaldâšejeid 3 % Aanaar-lase já sämikielâ mättee pargeid kieldâ meridem kielâlase. Lasseen kieldâst lii kiävtust e-passi <https://www.epassi.fi/fi/etusivu>

Viirgijn, main máttáattâskiellân lii anarâš-, nuorttâlâš- tai tavesämikielâ, tohálâšvuotâvátámâššân lii lasseen ton sämikielâ máttu. Talle annoo hiättun, jis occest lii oovdânpyehtid miinii vyelni orroo kielâtááidu čäittee uápuin tai kielâtááidu čäittee tuodâštusâin:

- oppâm válduamnâsin sämikielâ (tođhostuodâštus uápuin)
- čodâldittâm sierâ 60 oč viđđásijd uápuid sämikielâst (vuáđu- já amnâsuápuh)
- oppâm sämikielâ luvâttuvâst eenikiellân já čáállám tom pajuáppeiskosijn já finnim árvusäännin ucemustáá cum laude approbatur (tuodâštusah)



- oppâm sãmikielâ vieres kiellân vuáđumáttááttâsâst já/tâi luvâttuvâst já oomâst kielâtotkos alemuu árvusääni västideijee tiäduid já tááiduid (sierâ ciälkkámuš ollâopâttuvâst, ollâškoovlâst tâi eres lyetittettee peeleeest)
- sárnu sãmikielâ eenikiellân já oomâst kelijdeijee sãmikielâ kirjálii tááidu (sierâ ciälkkámuš ollâopâttuvâst, ollâškoovlâst tâi eres lyetittettee peeleeest)

Škovlâjotteemstivreijee tooimah

Tuáistáázân 4.8.2025 ráájist:

1. Škovlâjotteemstivreijee. Soijimsaje palvâluskoskâvuodâ älgidijn lii Avveel škovlâ, luokah 0-6. Pargo ana sistees sehe škovlâjotteemstivreijee já eehidpeivistivreijee pargoid. Tooimâst lii kuudâ mánuppaje keččâlemäigi.
2. Škovlâjotteemstivreijee. Soijimsaje palvâluskoskâvuodâ älgidijn lii Avveel škovlâ, luokah 7-9. Pargo ana sistees sehe škovlâjotteemstivreijee já eehidpeivistivreijee pargoid. Tooimâst lii kuudâ mánuppaje keččâlemäigi.

Tohálâšvuotâvátámâššân lii paargon hiäivulâš áámmátlâš vuáđutodhos tâi oovdeb škovlâtääsi áámmátlâš tođhos, áámmátodhos tâi sierânâsáámmátodhos. Kuulmâ portháá torjuu tubdâm annoo occei hiättun. Pálkki miärášuvá máttááttâspargovievâ kieldálii virge- já pargoiahtusopámuš miel.

Viirgij já tooimâi šledgâliih ucâmušah, moid kalga lahteđ tohálâšvuodâ čäittee tuodâštusâid já nommâkirjevâldus tâi ánsuluvâttállâm, toimâttuvvojeh čujottâsâst <http://www.kuntarekry.fi/>. Ucâmušah kalgeh lede vuástávâldest tuorâstuv 19.6.2025 tijme 15.00 já Aanaar škoovlâ luokamáttáátteijee sajasâšvuotân jo 13.6. tme 15:00 räi.

Viirgân tâi tooimân väljejum kalga toimâttiđ škoovlâ rehtorân tiervâsvuotâtuodâštus sehe laavâ (504/2002) miäldásii rikosregistervâldus majemustáá 30 peeivi keččin valjimmiärádâs tiättunfinniimist.

Tiäđuštálmeh:

- Aanaar škoovlâ rehtor Marja Seilonen, puh. 040 023 2662
- Avveel škoovlâ já Avveel luvâttuv išrehtor Pirkko Olli, puh. 040 024 3721
- Čevetjäävri škoovlâ rehtor Johanna Nieminen, puh. 040 154 7220
- Čuovviittâshovdâ Ilkka Korhonen, puh. 040 013 1231

Avelist 5.6.2025

Ilkka Korhonen

Ilmoitus julkaistaan kokonaisuudessaan kunnan kotisivuilla www.inari.fi ja <http://www.kuntarekry.fi>
Almottâs almostitto tievâslâžžân kieldâ päikkisiijđoin www.inari.fi ja <http://www.kuntarekry.fi>
Almmuhus almmustahttojuvvo ollâsit gieldda ruoktosiiduoin www.inari.fi ja <http://www.kuntarekry.fi>
Äälmtoš čööđtet obbvuođstes kää' dd dommseidin www.inari.fi da <http://www.kuntarekry.fi>

